

建德縣志卷之九

祠祭志

壇壝 藉田附

社稷壇 在縣北門外半里雍正二年頒行圖式累石為壇高三尺縱橫各二丈五尺四出陛各三級繚以短垣四面為門飾以丹從北出入壇設石主二長二尺五寸方一尺立壇土中不鐫神號外設木主二高二尺四寸寬六寸座高五寸寬九寸五分左書縣社之神右書縣稷之神 陳設祭品 雍正二年頒定每位帛一

色黑 尊各一白磁爵各三羊各一豕各一 鉶各二簠各二簋各二籩

建德縣志

卷之九

祠祭壇壝

一

各四豆各四鉶實和羹簠實黍稷簋實稻粱籩四實形鹽鯧魚棗栗豆四實韭菹醯醢菁苴鹿脯 乾隆四年頒定直省州縣歲以春秋仲月上戊日為民祈報先期執事官員致齋三日正祭日雞初鳴承祭官以下皆朝服齊集黎明贊引禮生二人引承祭官詣盥洗所盥洗通贊禮生贊執事各司其事 以下自迎神至望座皆唱贊 贊引禮生贊就位引承祭官至階前拜位立引班禮生二人分引陪祭官文東武西 班與外省朝賀同 各就拜位序立乃贊迎神贊引贊升壇引承祭官升壇詣香案前司香跪奉香贊引贊上香承祭官三上香贊復位引承祭官降復位贊跪叩興承祭官暨陪祭各官皆行三跪

九叩頭禮興奠帛初獻爵司帛奉篚進跪奠篚司爵奉爵進獻爵
奠正中皆退司祝禮生至祝案前跪承祭官暨陪祭各官皆跪司
祝讀祝畢詣神位前跪安於案叩如初退承祭官暨陪祭各官行
三跪九叩頭禮亞獻奠爵於左終獻奠於右儀均如初獻乃徹饌
贊送神承祭官暨陪祭各官皆行三跪九叩頭禮司祝奉祝司帛
奉帛恭送座所承祭官轉立拜位西旁東面俟祝帛過復位引至
望座位望座贊告禮成引退衆皆退

祝文

乾隆九年頒

惟

神奠安九土粒食萬邦分五色以表封圻育三農而蕃稼穡恭承守土肅展明禋時

建德縣志

卷之九

祠祭壇壇

二

屆仲春秋敬修祀典庶丸丸松柏鞏磐石於無疆翼翼黍苗佐神倉於不匱尙饗

雲雨風雷山川城隍壇 在縣南二里順治初年定雲雨風雷山
川城隍之神共爲一壇雲雨風雷神位居中山川神位居左城隍
神位居右外置木主三一書雲雨風雷之神一書境內山川之神
一書本縣城隍之神 陳設祭品 雍正二年頒定帛七白白磁
爵各三羊一豕一劔二簠二簋二籩四豆四祝文香盤鑪鐙具祭
品與社稷壇同 祀儀 雍正二年奏准與社稷壇同

祝文

乾隆九年頒

惟

神贊襄天澤福佑蒼黎佐元化以流形生成永賴秉氣機以鼓盪溫肅攸宜磅礴高

深長保安貞之吉憑依鞏固實資捍禦之功幸民俗之殷盈仰
神明之庇護恭修歲祀正值良辰敬具豆籩祗陳牲幣尚饗

孟夏諏日行常雩禮陳設儀注皆同前

常雩祝文

乾隆九年頒

恭膺

詔命撫育羣黎仰體 彤廷保赤之誠勤農勸稼俯推葭屋資生之本力穡服田令甲

爰頒肅舉祈年之典惟寅將事用申守土之忱黍稷惟

馨尚冀明昭之受賜來牟率育庶俾豐裕於蓋藏尚饗

常雩後不雨守土長吏諏宜祀之辰具祝文

隨時擬撰

備牲牢籩豆香

帛尊爵鑪鐙之屬率僚屬致齋修省素服虔禱爲民請命行禮儀
節與常祀同旣應而報陳設供具朝服行報祀禮亦與常祀同若
冬旱祈雪禮亦如之

建德縣志

卷之九

祠祭
壇壝

三

歲遇霽潦爲災行祭禮乾隆七年定各官擇日齋戒禁止屠宰
用午時設諸神位於南門望祭均南嚮陳設不用牲幣惟酒脯籩
豆之屬具祝文守土長吏率僚屬致齋修省素服虔禱祭畢衆擊
鼓凡三百三十三爲一通連擊數十通而退每日擊鼓如其數至
七日如未晴仍祭如前俟晴行報祭禮儀同前

祭祝文

詔命臨民職司守土惟兆人之攸賴並藉神功冀四序之常調羣蒙福蔭必使雨暘應
候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄
元化以流行俾
無災害尚饗

按南北二壇及各祠廟祭器乾隆十年頒發存縣收貯以備祭

祀之用者具開於後 磁爵二十七箇磁登四個磁鋤十箇磁
簋十個磁簋十箇竹籩五十三箇木豆四十八箇磁著罇九個
木俎十二架磁香鑪五個燭臺五對帛篚五盒木祝版二座鐵
燎鑪二座錫盥盒二口盥面木架二座牲盤二個

先農壇 在縣東門外里許雍正五年定壇位規制壇高二尺一
寸縱橫各二丈五尺壇后正房三間中奉神牌牌高二尺四寸寬
六寸座高五寸寬九寸五分紅飾金字填寫先農之神其兩翼爲
耳房存貯祭器農具之屬 壇旁藉田四畝九分 陳設祭器

雍正四年定每歲致祭用帛一羊一豕一鉶一簋二簋二籩四豆

建德縣志

卷之九

祠祭
壇

四

四尊一爵三祝文香盤鑪鐙具祭品與社稷壇同 祀儀 雍正
五年定直省州縣每歲以仲春吉亥致祭先期執事官員致齋二
日餘與祭社稷壇同

祝文

乾隆九
年頒

惟

神肇興稼穡粒我蒸民頌思文之德克配彼天念率育之功陳常時夏茲當東作咸
服先疇洪維九五之尊歲舉三推之典恭膺守土敢忘勞民謹奉彝章肅修
祀事惟願五風十雨嘉祥恆沐於神麻九穗雙歧上瑞頻書於大有尙饗

禮成更彩服行耕藉禮 各省耕藉雍正五年制各縣藉田皆四
畝九分每歲仲春率所屬耆老農夫行耕藉禮農具赤色牛黑色
箱青色籽種從土宜守壇農夫灌溉收入米穀用過染盛造冊報

布政司其耕藉日期每歲欽天監擇日頒行耕藉之日祭先農壇禮畢易蟒袍補服正印官率佐貳丞史詣藉田贊行藉田禮就耕執事者授耒耜與鞭皆右秉耒左執鞭各以耆老二人執箱播種耆老一人牽牛農夫二人扶犁各九推九返畢釋鞭耒以次序立田首西面北上農夫告終畝畢事各官率農夫耆老望闕行三跪九叩頭禮各退

藉田

一買東門外土名官田坂洪選田一畝八分五厘價銀十四兩八錢 一買方錫晉田一畝二分價銀九兩六錢 一買路舜齡田

建德縣志

卷之九

祠祭
壇壝

五

二分五厘價銀二兩 一買張玉伯田一畝六分價銀十二兩八錢 四共價銀三十九兩二錢共田四畝九分每年租稻九石八斗內除一石八斗爲承佃人籽種辛力之資又除穀六石六斗辦先農壇祭又除穀八斗二合五勺完納錢糧漕米仍存剩穀五斗九升七合五勺彙齊五年變價解交藩庫

廟祠

關帝廟 在儒學東殿北三楹爲後殿康熙十七年知縣張登進移建乾隆五十四年知縣周景益率邑人重修

鼎建關帝廟記

凡國有經營建置必以碑碑者縷其事之始末而記之壽諸金石以垂永久表諸耳目以示考工以下闕以實不以文摛詞者以信不以諛明乎此而神道之馮依人事之光裕幽與明之共治德與功之以下闕關帝廟向年以學宮改卜西郊儼然據其殿址及學還故處而廟遂立於明倫堂之左偏有識者不無疑焉以下闕雷相連無以疎地脉所以水淤而火王祝融非無故之以下闕舍舊而圖新神聖有待人之舉也乃幸有邑侯三韓張公者政甫期月百度維新念帝廟之倏災引予之深咎夙夜不遑形神俱瘁躬率形以下闕姓之基維廣募牒以鼓諸人之助程材庀工自經始以迄成一土一木無不手自量衡親爲規畫以下闕什之九而勞則食其全焉且後創大士之堂以備梵以下闕前設梨園之臺以待賽禱殿宇巍峩廊廡嚴以下闕鑿金碧者以下闕其貌也較諸疇以下闕何啻十百不以下闕倡邑人士酌闕成之曰若亦知我侯之功與德乎由幽與明之能共治也今之爲吏者皆思獵聲譽以陟名位而已至於修廢舉墜之事以下闕邑如家者昔晉人好爲清談而陶士行則私種官柳木屑竹頭皆親自經理宋人高言理學而孟璞以下闕功百七十而民不知役古之君子勞民動衆功垂永久不廢考工者布誠心規遠大也自茲以以下闕於斯瞻帝廟而頌禱焉者其能不思我侯而尸祝之也哉侯諱登進字彙升奉天人督工尉屠諱士龍浙江上虞人以下闕式邵夢祥鄭有麟方文耀江學喜張義啟例得闕書于是勒諸貞珉以下闕邑之北帝其宅孰新之惟以下闕民無名帝之功帝不尸歸我后后以下闕神默佑厥功興兆庶承神人慶功德宏康熙十七年仲夏月

建德縣志

卷之九

祠祭
壇壝

六

周景益重修關帝廟記

國俗之淳漓民志之貞淫士大夫好尚之華樸觀風者輶軒所過非如山川都市人物之可以一覽得也又非能淹留歲月家爲採而戶爲訪也然則于何而觀之亦觀於其所興作而已矣祭法有功德于民則祀之是故天下郡縣建有文武二廟春秋享侑勿衰凡以飭綱常明禮義俾士民端所趨向勿納于邪而導於禮其所謂禱賽之煩游觀之勝者無與焉雖然柔曼娛耳則鐘鏞勿懸淫奇蕩心則盤敦勿禦勢相因也喬野之鄉俗近巫覡故與之盛譚襍袂崇奉僧刹道觀則躍然而起爭輸金錢捨繪帛奔走若狂謂如是則福可立至否則禍不旋踵而豪侈之俗又或衰金選勝拓而爲苑累而爲山剝而爲池臺榭林卉殫竭土木以爲歲時觴讌之所雖至鸞宅蕩產而不辭試與言祀典之宜隆廟貌之宜肅則搖手掩耳而去無他溺于中者素也君子過其鄙而入其都見夫琳宮紺宇層樓飛閣相屬於道及訪其一二祠宇之在祭法者或委之荆榛風雨不蔽則愀焉傷之謂其人之不古處也舊矣余于壬寅之夏來莅是邦與諸生釋菜于覺見其輪奐聿新規製宏麗詢之諸生皆曰倡修者爲前令許君邑人自中戶以上輸貲不下巨萬用能訖功心竊喜之泊瞻拜乎神武之庭則棟椽完好者惟殿三楹耳若門若寢若廡若庖湢之所皆湫隘漶漫岌岌不可終日余卽有志增葺之以他務未遑且念覺序甫經落成不忍重煩我士民也逮視事之三年時和歲豐四境安輯吉日讀法于堂諸生揖而進曰廟之建有年矣不

修且壞非所以受神靈重秩祀也且帝之剛大塞天地翊聖功而扶世教夫人知之請如覺序故事余曰善此素志也諸君其勉之令下旬日即集貲若干以付主者筭鑰之孰庀材孰鳩工孰司出納皆敬慎將事料量無頗勿勒勿侵經始于乙巳三月功竣于己酉四月迺用特以告厥成夫建蕞爾邑耳十年間而文武二廟巍然炳然規制大備以吾前所云云若彼而邑之人所興作若此此其度量相越詎可以道里計哉士大夫者庶民之倡也好尚端則民志定民志定則國俗成其所由來者漸矣

方
今

聖天子揆文奮武崇正黜邪百度昌明禮和樂淑吾將與吾士民飭綱常明禮義講讓型仁興廉舉孝其上者足以備干城之選其次者亦各勉為忠順之行安見道一風同之治不在一鄉一邑間也又豈徒區區興作云乎哉于是縷其始末而為之記並勒捐輸姓氏于碑陰將以上之觀風者周景益撰

順治九年

勅封忠義神武關聖大帝乾隆三十三年奉

旨加封靈佑二字六十年奉

建德縣志

卷之九

祠祭
壇壝

七

上諭所有各寺廟供奉關聖神位以及匾額內有勅封字樣者殊非敬神之義着將此二字節去嘉慶十九年奉

旨加仁勇二字道光八年奉

旨加威顯二字咸豐二年奉

旨加護國二字咸豐三年奉

詔加保民二字又國子監司業保極奏請升入中祀擴充廟製添設祭器增製樂章奉

旨春秋二祭照文廟典禮一律增添改用八佾通行各直省郡縣
遵照致祭六年奉

詔加精誠二字七年奉

詔加綏靖二字九年

御書萬世人極匾額同治九年奉

旨加翊贊二字

御書乾坤正氣匾額又加宣德二字

春秋二仲致祭儀注

每屆諏吉致祭省會以總督巡撫主之郡縣以長官主之無分獻凡在城文武官縣丞千總以上咸陪祭樂用六奏舞用八佾初獻用干戚亞獻終獻用羽籥其餘禮制及祭前襄辦

建德縣志

卷之九

祠祭壇

八

條目均與 文廟同

祭文

維某年月日某官某致祭於

忠義神武靈佑仁勇威顯護國保民精誠綏靖翊贊宣德關聖大

帝位前曰惟

神星日英靈乾坤正氣允文允武紹聖學於千秋至大至剛顯神

威於六合仰聲靈之赫濯崇祀典於馨香茲當仲春秋用昭

時享維期昭格克鑒精虔尙 饗

五月十三日致祭儀注

每屆致祭前期一日陳設用果實五盤

核桃
龍眼

荔枝
紅棗

栗

不用籩豆

不用樂舞其餘儀注與春秋致祭同

祭文惟

神九宇承庥兩儀合撰崧生嶽降溯誕聖之良辰日午天中屆恢
台之令序聰明正直壹者也千秋徵肸饗之隆盛德大業至
矣哉六鞞肅馨香之薦爰循懋典式展明禋芬苾時陳精誠
鑒格尙 饗

後殿儀注

每屆於正殿未祭之先恭詣行禮祭品陳設儀注均與文廟

建德縣志

卷之九

祠祭
壇壇

九

後殿同惟五月十三日不設籩豆用果實五盤如正殿儀

春秋致祭祝文

維某年月日某官某致祭於

光昭王

裕昌王

成忠王曰惟

王世澤覃庥令儀裕後靈鍾河嶽篤生神武之英誠溯淵源宜切

尊崇之報班爵超躬桓而上升香肅俎豆之陳茲際仲

春秋

爰修祀事尙祈昭鑒式此苾芬尙 饗

五月十三日致祭文惟

王迪德承家累仁昌後崧生嶽降識毓聖之有基本本水源宜推
恩之及遠封爵特超於五等馨香永薦於千秋際仲夏之屆
時命禮官而將事惟祈昭格鑒此精虔尙 饗

葛公鎮關帝廟 在縣東三十里葛公鎮

雙溪關帝廟 在雙溪村

縣南關帝廟 在縣南一百二十里

舊關帝廟 在縣南二里古賣花樓處圯基存

文昌廟 在明倫堂之南殿北三楹爲後殿嘉慶六年建 舊例

建德縣志

卷之九

祠祭
壇壝

十

每歲二月三日額支地丁銀一兩五錢致祭文昌廟嘉慶六年奉
上諭文昌帝君主持文運福國佑民崇正闢邪靈蹟最著宜列祀
典用昭文治每歲春秋致祭之典及一切儀文仿照關帝廟定制
禮部太常寺同遵奉覆准以二月三日聖誕爲春祭其秋祭諏吉
行事通行各省文昌廟前殿供設神像仍製牌位紅飾金書面題
文昌帝君神位

祝文

維

神績著西垣樞環北極六匡麗曜協昌運之光華累代垂靈爲人文之主宰扶正久

彰夫感召薦馨宜致其尊崇茲屆仲 春

秋用昭時祀尙其歆格鑑此精虔尙饗

後殿推崇帝君先代查無三代姓氏確據未便加封請立龕製牌
一分紅飾金書面題

文昌帝君先代神位其舊有文昌祠廟者聽有司就祭無則擇淨
潔公所設位致祭各州縣每歲額支祭銀三十兩其前後殿牲牢
祭品儀節均與關帝廟同

祝文

祭引先河之義禮崇反本之思矧夫世德彌光延賞斯及祥鍾累代炯列宿之精靈
化被千秋緯人文之主宰是尊後殿用答前庥茲值仲春秋肅將時祀用申告潔神
其格歆
尚饗

高坦文昌閣在縣南五十里嘉慶二十五年建

建德縣志

卷之九

祠祭
壇壝

十一

木塔文昌閣 在二十九都鄭姓建

金村文昌閣 在縣南四十里金家村口

下關文昌閣 在縣西半里爲一邑下關

城隍廟 在縣署西明洪武二年

勅封神爲顯佑伯

祀典城隍神同祀於雲雨風雷山川壇故於廟無專祭之文惟
朔望行香耳有事於廟則守土官諏吉捐祭按雲雨神祇壇行
三跪九叩頭禮則城隍亦當同之今外省相沿行二跪六叩頭
禮按會典無明文

名宦祠 在大成門左

宋邑令陞都官員外郎梅堯臣 宣城人

邑令陞參知政事謚敏莊吳淵 宣城人

元邑令陞禮部郎中吳師道 金華人

邑令王晉卿 武昌人

教諭陞衢州教授程端禮 鄞縣人

明邑令孟德常 鄱陽人

教諭陞工科給事中項伯賢 浙江人

教諭陞同知魏朝端 餘姚人

建德縣志

卷之九

祠祭壇

十二

國朝邑令陞安徽巡撫喻成龍 奉天人

邑令陞刑科給事中裘君弼 新建人

按禮部則例載直省府州縣建名宦祠以祀仕於其土有功德者舊志名宦祠祀位兼祀本省督撫提學布政以及都城賢良祠中之勳臣於定例殊未符合今遵府志所載列入志中其祠內神位悉仍其舊未便更張

祝文

維

公生也異地宦也同方布時德政先後相望民孚於休責茲仰止告祀式崇永昭遐

軌尚

饗

鄉賢祠 在大成門右

唐睦州建德令擢檢校御史中丞周繇

處士周繁

宋尚書檀固

尚書度支郎李植

明雲南按察使柯暹

應天府府丞檀凱

兵部右侍郎江西巡撫李一元

誥贈奉直大夫工部郎中增廣生員徐漸

建德縣志

卷之九

祠祭
壇壝

十三

太子少保吏部尚書鄭三俊

翰林院檢討孔貞時

祝文

仰維

諸公卓哉先覺德行文章式我後學閱世雖遠盛名愈彰式崇報祀用昭不忘尚饗

忠義孝弟祠 在名宦祠左

梁延津校尉元贈侍中開府儀同三司謚襄江子一

宋旌祀忠烈武經大夫威武先鋒封中書丞相葉諒

忠孝尚書李植

忠義民兵副將勅授鎮國將軍鄭舜臣

明孝友貴州左參政封大中大夫鄭景曜

孝子何廷元

孝子葉宗沚

孝友貢生浙江孝豐知縣井一成

兵部侍郎江西巡撫李一元

河南按察司副使李一中

誥贈奉直大夫工部郎中增廣生員徐漸

孝友贈刑科給事中洪同安

祠位作洪翠壁誤
翠壁同安之字也

義行湖廣武昌府同知金精器

建德縣志

卷之九

祠祭
壇壝

十四

義士童彥芳

孝友曹煥理

旌表孝子江大興

旌表孝友生員童黯

孝子姚鑑

祠位作姚鑑堂按孝友
傳及府志皆作姚鑑

旌獎義民徐永元

旌獎義民屈永德

義士姚添

旌獎義行金鎡

義士檀萃

義行檀蒂

義士檀崑

孝義金魚

義士庠生黃世儒

旌獎義民黃學通

旌表孝子汪景德

旌表孝子貢生曹奎

祠位作太學生
科貢表作貢生

孝子李熙春

建德縣志

卷之九

祠祭
壇壝

十五

旌獎善義王宗瑞

旌獎善義王之從

旌表孝子沈福壽

義士金學重

國朝孝義貢生來安縣訓導吳邦望

義士姚赤心

祠位作
心赤

孝行禮部儒士吳來芳

孝友王之義

孝友王宗萼

孝子黃致全

祝文

惟

靈稟賦貞純躬行篤實忠誠奮發貫金石而不渝義聞宣昭表鄉閭而共式祇事懋

彝倫之大性摯義蒿克恭念天顯之親情殷棣萼模楷咸推夫懿德

綸恩特闡其幽光祠宇惟隆歲時式祀用陳尊簋來格几筵尚饗

節孝祠 舊在西關外今移鄉賢祠右

明進士檀之堅妻高氏

曹尚仁妻馮氏

鄭如奎妻黃氏

胡其倌妻江氏

建德縣志

卷之九

祠祭
壇壝

十六

檀時中妻陳氏

江勝昌妻趙氏

生員徐致通妻余氏

徐文中妻阮氏

金濟妻陳氏

童傳妻陳氏

生員柯延薌妻黃氏

童承禧妻徐氏

王節聘妻洪氏

江齊之妻胡氏

劉玘妻井氏

胡其朗妻黃氏妾王氏

洪圖福妻趙氏

生員柯種妻江氏

王一女

戴氏女

童女名冬妹

檀魁妻金氏

建德縣志

卷之九

祠祭
廟祠

十七

金汶妻檀氏

庠生金學文妻柯氏

柯鳳吉妻鄭氏

生員江永祐妻馮氏

江大載妻歐氏

府志作大戴

江大烈妻路氏

檀應暘妻洪氏

方有淑妻金氏

南原鄭氏女

檀俊賓妻金氏

馮時得妻鄭氏

劉牛女

童文亨妻李氏

吳宗軻妻徐氏

江棠女巽容

洪圖福妻檀氏

姚時中妻柯氏

官生李爚妻柯氏

建德縣志

卷之九

祠祭
廟祠

十八

江大心妻胡氏

監生江大派妻汪氏

金學儋妻汪氏

江根妻劉氏

鄭可學妻童氏

徐正陽妻陳氏

國朝徐祖熾聘妻王氏

周輝妻徐氏

吳映薦妻鄭氏

王天穰妻祝氏

金夏妻姚氏

金爵鰲妻鄭氏

監生王之冕妻孔氏

生員歐陽霄妻潘氏

王景模妻蘇氏

汪源洪妻黃氏

江中源繼妻楊氏

倪欽崇妻劉氏

建德縣志

卷之九

祠祭
廟祠

十九

楊國柱妻何氏

楊國安妻朱氏

鄭允颺妻檀氏

鄭象勤妻金氏

黃廷獻妻鄭氏

監生洪挺萬妻楊氏

王儒珍妻李氏

王曰觀妻方氏

監生王則舜妻汪氏

徐日信妻許氏

徐啓煌妻程氏

蘇良蒲妻張氏

蘇吉林妻王氏

蘇必悅妻洪氏

洪昂珍妻英氏

程正春妻王氏

李材良妻徐氏

貢生周恒徹妻董氏

建德縣志

卷之九

祠祭
廟祠

二十

監生周翼妻方氏

劉福崑妻曹氏

王象獬未婚妻胡氏

張光綸妻汪氏

姚文斐妻李氏

劉映斗妻曹氏

彭萬春未婚妻許氏

洪大川未婚妻張氏

汪肇魁妻江氏

生員鄭祈烜妻楊氏

汪振文妻徐氏

汪植芬妻計氏

祝文

惟

靈純心皎潔令德柔嘉矢志完貞全閨中之亮節竭誠致敬彰閭內之芳型茹冰蘖而彌堅清操自勵奉盤匝而匪懈篤孝傳徽絲綸特霑乎殊恩祠宇垂昭於令典祇循歲祀式薦尊醪尚饗

祀儀陳設 大清會典直省府州縣附學廟左右建名宦鄉賢忠義節孝四祠每歲春秋釋奠禮畢佐貳官一人公服詣祠主祭是日清晨廟戶啓祠門拂拭神案執事者陳羊一豕一籩四

建德縣志

卷之九

祠祭
廟祠

二十一

豆四鑪一鐙二陳祝文於案左爵三帛一香盤一於案右引贊二人引主祭官詣祠案前北面立禮生奉香盤主祭官三上香贊跪主祭官跪贊奠帛主祭官奠帛贊獻爵主祭官三獻爵贊讀祝讀祝生跪讀畢主祭官俯伏興贊行禮主祭官三叩興執事以祝帛送燎主祭官退

龍王廟 在縣城北街關帝廟左康熙十七年修雍正中

勅封昭靈沛澤龍王之神 禮部則例每歲春秋仲月辰日致祭

用羊一豕一籩籩各二籩豆各十帛一色白尊一爵三朝服行三跪

九叩頭禮與祭都城隍廟同按直省州縣無明文 今儀春秋

仲月辰日主祭官員補服詣廟起鼓三通詣盥洗乃迎神行二跪六叩頭禮上香奠帛行初獻禮讀祝文俯伏興復位行亞獻終獻禮如初禮畢徹饌送神再行二跪六叩頭禮視焚祝帛皆如儀

祝文

惟

神德洋寰海澤潤蒼生允襄水土之平經流順軌廣濟泉源之用膏雨及時績奏安

瀾占大川之利涉功資育物欣庶類之蕃昌仰藉神庥宜隆報享春用

謹遵祀典式協良辰秋用當黃茂既登之日展西成虔報之儀

敬布几筵肅陳牲幣尚饗

龍神之祀當以本境山川所著靈能興雲澤物者如京師所祭黑龍潭玉泉山是也至今時所祀金龍四大王神乃江湖河海屢著靈蹟商賈舟楫仰賴護佑者理應另立廟祀敬載於後

建德縣志

卷之九

祠祭
廟祠

二十二

火神廟 在縣南玉峯山之麓 禮部則例每歲季夏月下旬三

日致祭 祀儀陳設 牛一羊一豕一果實五盤鑪鐙具制帛一

赤色 尊一爵三香盤一設樂於階下設盥洗於東階下承祭官拜位

於殿內朝服行三跪九叩頭禮升降均由東階迎神上香奠帛讀祝三獻送神望燎均如儀 按直省州縣之制無明文其儀當同但用少牢無樂 今儀至期主祭官補服詣廟僉祝贊就位進香奠帛三獻行二跪六叩頭禮與祭龍神廟同

祝文

惟

神位正南離權司長夏六府修而功成既濟四序紀而用在明時佐烹飪以攸資人

安耕鑿斂烟光而無警戶樂恬熙荷
神貺以清甯潔明禋於牲醴尚饗

劉猛將軍廟 在西關外雍正八年奉文建雍正十一年奉

上諭自雍正三年降旨建立劉猛將軍廟以後蝗蝻遂不爲災若
未建造之州縣飭令一體舉行蓋以神能爲民禦災故特列之祀
典云 雍正三年定例每年長至後第三戊日并正月十三日劉
猛將軍誕辰應各致祭一次至期主祭官具補服詣廟僉祝陳以
羊一豕一果實五盤尊一爵三鑪鐙如制鼓三通畢贊迎神就位
行一跪三叩頭禮上香奠帛讀祝三獻爵送神望燎均如儀再行
一跪三叩頭禮退

建德縣志

卷之九

祠祭
廟祠

二十三

祝文

惟
神夙昭勇略懋著靈威功殄螟蝗惠周原隰肅明禋而備物兆嘉貺於豐年維茲季
冬誕辰 謹以牲帛醴
酒用申虔祭尚饗

按怡菴雜錄宋理宗景定四年三月八日勅曰國以民爲本民
實本於干城民以食爲天食尤重於金玉是以后稷教之稼穡
周人畫之井田民命之所由生也自我皇祖神宗列聖相承迨
茲奕葉朕嗣鴻基夙夜惕若邇年以來飛蝗犯境漸食嘉禾宵
旰懷憂無已時也黎元咨怨末如之何民不能祛吏不能捕賴
爾神力掃盪無遺上感其恩下懷其惠爾故提舉江州太平興

國淮南江東浙西副置使劉錡今特勅封爲揚威侯天曹猛將之神爾其甸撫黎庶血食一方故勅此即神所受封之始也又按降神錄神名承忠臨川人元末授指揮使見江淮患蝗揮劍逐之蝗飛境外後殉元末難自沉於河有司奏請授猛將軍之號說與怡菴雜錄異

厲壇 在縣北銅魚山頂長廣各二丈五尺高三尺大清會典直省州縣每歲清明節七月望日十月朔日致祭厲壇於城北郊前期三日守土官用印封牒委官屬公服具香燭酒果詣廟以祭厲告城隍之神上香奠爵跪三叩興焚牒文於廟退

建德縣志

卷之九

祠祭
廟祠

二十四

移城隍神牒文

爲祭祀本縣無祀鬼神事某等遵舉常祀某年某月某日於城北壇置備牲醴羹飯享祭本縣無祀鬼神等衆然幽明異境難於感通謹循舊制至日迎神臨壇監鎮惟神先期分遣將隸召集闔境鬼靈等衆赴壇普享爲此牒告伏祈照驗施行

至日迎城隍臨壇設位正中祭物羊一豕一香案一鑪鐙具榜無祀鬼神於壇書曰本縣境內無祀鬼神祭物羊二豕二米飯三石酒尊楮帛等設燎鑪於壇南贊禮生引守土官公服詣神位前贊跪贊上香贊叩興守土官三叩興執事者焚楮帛守土官詣燎鑪前奠酒三爵退禮生仍奉城隍神位還廟

祝文

某年某月某日某等遵禮部劄付爲祭闔邑無祀鬼神事照得普天之下有人有鬼鬼無歸猶人無告也施仁必先無告者豈舉祀忍不及無歸者乎念冥冥之中有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蛇所害者有爲饑餓凍死者有因戰鬪而殞身者有因危急而自縊者有因墻屋傾頽而被壓死者有死後無子孫者此等或終於前代或歿於近世或兵戈擾攘流移他鄉或人烟斷絕久缺祭祀姓氏泯沒於一時祀典無聞而不載悲號星月之下呻吟風雨之時凡遇人間令節心思陽世魂杳杳以無歸身墮沉淪意懸懸而望祭興言及此憐其慘悽爰設壇城北依時循例陳設仍迎本處城隍尊神主此普祀凡闔境無祀鬼神等衆靈其不昧來歆此祭尙饗

以上皆秩祀

三皇宮 在縣東三十步元邑令王晉卿建今圯

按三皇即先醫伏羲神農黃帝也會典先醫廟正列三皇東配祀二位西配祀二位東廡祀十四位西廡祀十四位歲以春冬

建德縣志

卷之九

祠祭
廟祠

二十五

仲月上甲日遣官致祭直省州縣無明文

東嶽廟 在縣南玉峯山之麓乾隆三十六年火災廢光緒間邑侯黃國城暨合邑紳董重建

按禮部則例每歲

萬壽聖節致祭東嶽廟其陳設奠獻之禮與都城隍同直省州縣

無明文

眞武廟即

北極佑聖眞君廟 在蘭臺書院左今廢址猶存

按禮部則例每歲

萬壽聖節致祭陳設果實五盤餅餌十有五盤鑪一鐙二制帛一

色茶棧三朝服行三跪九叩頭禮直省州縣無明文

馬神廟 在縣署後東北隅堯城驛中

按馬神當卽古之馬祖馬步其祭會典無明文縣雖不產馬向有郵驛馳驅所需廐櫪必設祈賽之禮固所不廢也

縣土地祠 在縣署譙樓左角乾隆四十一年重建

學土地祠 在儒學左皆祀本邑土地福德之神守土官暨學官朔望行香春秋仲月上戊日及六月六日致祭行一跪三叩頭禮

按土地祠卽古里社所謂成羣立社曰置社也社稷壇倣古國

建德縣志

卷之九

祠祭
廟祠

二十六

社縣署學署土神倣古侯社鄉里土地祠甚多特誌其一二

福主祠 在縣署東神諱無考邑人羣尊爲福主亦稱爲余公云今卽祠中爲

祝釐之所

按禮部則例凡祀禦災捍患之禮因所捍禦之地建立專祠所在有司歲以春秋諏吉致祭

西關福主祠 道光三年建咸豐間被粵匪燬基址猶存

在西
豐街

堯城福主祠 一在上街頭雍正三年建乾隆五十五年重修

一在下街頭乾隆二十年建

余材福主廟 在縣東十五里舊志載廟後之山界上頂下脚左
分水右大地濠溝直上埋石爲記廟前之山界上頂下脚左右俱
分水埋石爲記神最靈顯遠近祈禱不息縣令莅任擇日致祭

江大爵曰神諱不可攷或傳其諱亘字果仁爲唐司徒值寇亂以保障一邑今低嶺
有得勝橋其禦寇之地毘陵陳司徒公諱杲仁杲字與果類而官封諡號相同是以
譌爲陳司徒又傳常開平破羅友賢神有陰助故加忠烈二字正德中邑令言公以
盜竊庫銀神著顯應爰立今像相傳者如此夫夏五郭公夫子猶志疑焉世遠無攷
亦稱之爲余公而已
可冒之以陳姓也哉

洪仲遵司徒廟記

去邑之東十里神祠祀司徒余公有年矣然莫詳其名字亦莫攷其官封廟食年代
但里曰余村環祠而居多余姓者神之子有余一余二官人之稱神爲里人必矣至
今感應靈顯享祀莫替自非聰明正直有功德於民莫或至此故凡遇水旱疾疫橫
禍冤抑禱于庭者若響之應聲表之植影以是取敬達官敷佑黎庶愈久而愈不怠

建德縣志

卷之九

祠祭
廟祠

二十七

也祠本負山面西前臨小澗澗瀦水不竭有元監縣馬祖元作亭其上扁曰肅靜昭
敬仰於神之意而祠室歲久日深棟宇摧折墻壁毀壞粉墨剝落上下兩旁風甚無
以表崇嚴暨今洪武乙亥判簿廣西虞公子平長幕山東樂安顏公善相繼蒞邑因
卽祠竭神顧瞻久之相與合謀修葺各捐已俸倡率義民俾典吏余思敬董其事鳩
工庀材聚斲石易毀折覆穿漏棟宇森嚴黝堊鮮潔神明康寧神慶斯溥所謂有其
誠斯有其神者詎不信歟然二公此舉豈以徼一己之福爲民之意深矣蓋慢神者
必虐民今二公事神之敬不怠則恤民之仁可知詩曰神之
聽之介爾景福尙告來者庶有感於茲焉洪武丙子仲秋月

孔貞時重修余公祠記

傳曰有功於民則祀之能捍大災大患則祀之非此族也不在祀典予邑城東偏十
五里而遙曰余村村故有余公祠不知起何代里中長老皆云公前身即搜神記所
稱陳公杲仁常州晉陵人也在隋煬帝時拜爵大司徒唐高宗時以護國威靈封號
武烈宋宣和時賜祠額福順今相傳余司徒則同武烈則同祠額猶榜爲福順則
又同不旣儼然陳耶何以余公也毋亦以余村得名耶然邑乘祇載余公祠不傳疑
也邑奉公甚虔歲時有事祠下者趾相錯諸水旱疾疫若祈若禳遍走羣望所不得
者力能得之神凡枉撓冤抑號籲無門者質之神輒昭答如響歲以中秋節爲迎賽
期自邑侯而下若薦紳學士及邑民四方商賈無不儼恪致祭歷四境巫祝應接不

暇居常過之卽樵牧必頭搶地雖憑虛祀者若赫然臨汝噫嘻非神大祚吾邑有功德于民甚著惡能合離萃渙致血食之報者歲久且虔若茲耶余村爲徐季曾里祠久就圯予與季曾孝廉時謀新之未就季曾伯兄首請於邑侯王公旣獲請士民檀施者不招而赴卽故趾而重敞之前堂後寢棟宇翬飛兩廡翼翼置亭左隙地以肅祀事廟貌奕然改觀其前爲孔道故有亭以憩行者廟址負北巖而山色環翠樹籠煙靄神之靈爽若與山川清淑之氣滃蔚其上先是予上公車纔渡皖神卽見夢夢中語頗悉且異余逡巡謝不敏癸丑徵神之靈無敢忘神貺從燕邸貸貲寄邑侯爲檀施者倡而季曾伯兄愈藉以畢力營繕功成不日也季曾伯兄早負奇未售中年失明諸所程度從暗中摸索一一若燭照謂非神襲之不可噫公之福民利國其允合祀典者旣未易更僕隨一人一事而靈應不可思議類若此血食億萬年誰曰不宜孔史氏曰神之時義大矣哉神福民於幽者也而明格之非邑大夫首任其責乎明之頌神君歌孔邇也不減於祀事孔虔也邑大夫率民事神因以事神者治民以民之神事我者代神治民濡沫卵翼不遺餘力而神格而降之麻可知也此所謂神道設教者也神之時義大矣哉說者爲先聖不語神然而害盈福謙餘慶餘殃之旨抑何諄切焉徐氏世有潛德今廟貌聿新季曾輒哀然魁禮闈神之美報則世德有以召之矣由徐氏槩一邑人文挺生以冠冕宇內者政自未艾語曰神無常享享于克誠其益隆對越無作神羞并無負邑大夫率民之良意予不佞願與闔邑諸父老子弟共勛之哉祠新於某年某月落成於某年某月邑侯王公浙號懷楚蜀之灌縣

建德縣志

卷之九

祠祭
廟祠

二十八

人鄉進士首事徐廷藩卽季曾伯兄失明而工程度者也首尾凡八載厥勞最著世奉祀祝爲本里吳氏共襄厥事者某某例得並書

按經制所載分祀之祠非誕生茲土卽臨治本邑有功德於斯民者也余公無可考而神之靈應信於方俗蓋神人之相與一誠爲感召精氣無不之呼籲亦無不佑今武烈之廟江淮間各處祀之俗傳卽搜神記中所載神姓陳諱杲仁者隋時爲司徒宋宣和中賜祠額福順今余司徒廟爵旣相同謚額亦無異是神當姓陳其謂之余公者余村人名之耳村中奉神倍虔居常過之雖樵牧必以頭搶地歲時有事祠下者趾相錯諸水旱疾疫若祈若禳遍走羣祠所不得者力能得之於神余村之人以

神之昭答如響也而余之而公之故老相傳幾閱時代此猶杜可稱母賈可名兒總出於感戴之誠云爾或疑其祀典不在經制豈知地方氛祲神能默消之冥冥中是亦身任斯民者所同仰庇也烏得以方俗之祀而忽諸

府志

峯山廟 在縣南玉峰山麓神諱無考舊志載神自唐以來廟食

茲土有禦災捍患之功宋大觀三年賜額康濟宣和三年誥封威

佑侯淳祐十年加封威佑昭應侯詳見誥命廟內梁昭明太子附

祀焉

按柯南坡考錄舊郡志及本廟遺文節目云貞元三年癸未三月初一日忽風雨晦暝中邑民許瑣家居見有神人緋衣赤騎立其前謂曰汝世居此如鬣獨何吾前代

建德縣志

卷之九

祠祭
廟祠

二十九

名臣亦汝宗人也今受帝勅來食此方汝能獨據茲山雄勢耶茲山來慢亭過發水結秀於此吾當憩焉與汝同享堯子在茲山阜右佳山水汝其止之則宗嗣繁昌也言畢騰空去須臾雨止暝開則所止非故境矣邑民因此祠焉其應如響天福戊戌二月有商人攜家盛牲牢來自淮致祭於神邑人詢其故曰吾廬江人也父許昌邁疾禱之於天以傲福有神附一人入吾家云吾池州峰子山人從華嶽諸仙過此感君孝心爲拯爾父疾三月三日吾復降自嶽君當有以祠我翌日父疾瘳故尋求致謝邑人導之俾致祭而去由是香火益盛因以是日爲神誕焉乙酉兵燬順治七年知縣孫蘭率士民重建按舊志又云余過郡城秀山門昭明祠見祝巫周姓自梁時世守廟祠傳有累代封制墨蹟明洪武初用兵夢昭明及康周盧護陣下所司訪至郡乃具狀聞勅有司歲致祀制詞中有康濟是康濟與峰子神各異今吾邑合爲一神且康係昭明屬神而茲神又以昭明並列姓號既舛名位又淆書之以備攷焉

洪仲遵重修康濟廟壁記

峰山康濟威佑昭應侯神祠據奇勝之地耀山川之靈作鎮此邦有功前代禦災捍患禱祈多應宋大觀宣和淳佑間累膺褒贈皇明紹統籍在祀典崇敬之禮益虔無怠洪武初元知縣事江陵馬侯汝用念兵燹之後殿宇卑隘弗稱祭祀非所以報功崇德也乃率邑民改創令祠宏梁鉅棟顯敞邃嚴壯觀於是邑敷佑於斯民迨今歷

三十載椽桷朽腐瓴甍傾欹風雨穿漏神用弗靈耆幼興嗟修葺莫舉二十七年夏縣吏李夢庚彭餘蔭惻然於懷遂捐己帑率先趨事於是邑之士民咸來致助鳩工命匠不越月而蓋覆完美黝堊鮮潔輪奐一新貳令趙侯喜其落成乃致誠卽祠展祭所以奠安神明用祈陰隲也嗚呼神依人而靈人賴神而甯長民者能事乎神則必能恤乎人矣其或慢而不敬又安能保其無虐於民哉蓋神具正直貽爾多福苟有邪媚豈能感格今賢侯修正直而崇敬椽曹秉忠信而祇順神人協和降福孔邇今茲之舉足繼馬侯經始之功久而弗墜雖由神之靈應使然亦以驗夫民之尊仰無數尙告來者嗣而緝之則神之維休豈止於是而已哉歲在甲戌野逸洪仲遵記

金龍四大王廟 在堯城鎮

按神姓謝名緒浙之台州人宋謝太后同族讀書金龍山頂歲甲戌天目山崩泛濫臨安民溺死無算神破家財賑生葬死後元破臨安少帝降謝太后北去神即投水死後屢顯靈蹟隆慶中勅封金龍四大王

建德縣志

卷之九

祠祭
廟祠

三十

國朝因崇祀有加焉順治六年有客兵經堯城鎮思大掠忽一兵作神語曰爾虐我民必令爾皆死兵將恐乃遁堯城人因立廟祀之焉

堯廟 在堯城鎮方輿記曰堯南巡至此有堯廟路史曰建德縣南三里有堯城堯祠今廟久廢疑即濮公祠址焉

唐李白堯祠贈杜補闕

我覺秋興逸誰言秋氣悲山將落日去水與晴相宜
雲歸碧海少雁度青天遲相失各萬里茫然空爾思

宋范仲淹堯廟

千古如天日巍巍與善功禹終平洚水舜在致薰風
江海生靈外乾坤揖讓中鄉人不知此簫鼓謝年豐

張栻堯廟

明祀從千載荒山拱萬靈插天纔絕壁飛瀑下空庭
繪事存醇古眞風寄杳冥蘋蘩何以薦帝德日惟馨

許旌陽眞君廟 在縣西北七里石印洞山世傳許眞君逐蛟至此因祀焉

文孝昭明太子廟 在縣西十五里詹村保

桃花山昭明太子廟 在桃花山

白面西廟 在南原祀昭明太子暨康盧二將軍

大沈廟 在北山村祀康將軍

相傳梁朝昭明太子愛池陽山水之美嘗寄息焉故池皖之境

建德縣志

卷之九

祠祭
廟祠

三十一

多立廟宇緣其惠愛所及也宋仁祐間賜寺額曰文孝乾道嘉泰間累封文孝英濟忠顯靈佑王并封神從康盧二將軍明洪武三年釐正祀典仍稱昭明太子寺額尙沿其舊歲以八月十五爲神誕辰云

周將軍廟 在貴衝嶺徐仲才建

相公廟 祀宋韓蘄王世忠
在吳村一
在查村

東峰廟 在查村祀葛仙

包公廟 在一都石窟相傳包孝肅守郡時至此因祀焉

威烈江將軍廟 祀梁威烈將軍江子五廟舊在江家衝後移至

羅家嘴今立像玉峰山廟

舊志載將軍諱子五係濟陽人南北分裂時居江南至德鎮梁
太清二年侯景兵自采石渡江將軍欲至歷陽邀其歸路朱异
以爲不可及景偪臺城又以中旨促使戰將軍與其兄南渡校
尉子一右丞子四直斫賊壘殺數百人後隊不繼賊以戈擊子
一解其左體將軍呼曰與兄俱出何忍獨反遂皆奮戰而死庾
信哀江南賦曰濟陽忠壯身參末將兄弟三人義聲俱倡主辱
臣死名存身喪敵人歸元三軍悽愴蓋謂將軍兄弟也至元帝
承聖二年俱贈侍中開府儀同三司將軍諡威烈

建德縣志

卷之九

祠祭
廟祠

三十二

雙簡王將軍廟 在小羅家山口

五顯廟 在縣南八里

葉先鋒祠 在雙溪村祀宋邑人武經大夫葉諒

楓梓將軍廟 在大路葉村祀宋邑人武經大夫葉諒

梅公祠 宋時邑人於官舍西偏建梅公堂以祀邑令梅聖俞既
廢後邑令柴夢規改建於縣圃之北後復改建於縣後白象山半
山亭年久圯元邑令吳師道即其址重建

元吳師道梅公亭記

士君子宦遊之邦去之數百年人猶想其風烈而不忘至於崇表而章顯之是雖好
德之心然其所以使人至此而爲未吏之勸者豈小哉池之建德故宋尚書都官員

外郎國子監直講梅公聖俞景祐間爲知縣事集中詩幾百篇皆在是邑作而當時風物宦况之大畧可考見也後人嘗於郎官舍西偏爲梅公堂以祀之既廢後令柴夢規重建於縣圃之北世易事更復改縣後之半山亭爲梅公亭以識其舊未幾亦化爲荒墟師道之來也按行遺址見大礎在草茅中蕘兒牧豎躑躅其上老木三數株錯立蒼然爲之躊躇太息自是營構之念往來於懷越明年始克就緒爲屋三間復扁其號限以周垣鍵以外扃飛簷虛檻高亢疎明既與邑人慰其景仰之思而溪山屋室環繞映帶又得登臨之美以相樂也當宋之初文體卑陋公倡古淡之作一變其習歐陽子以一世巨人而盛推尊之若己弗及又以仁厚樂易溫恭謹質稱其人一時諸公交口論薦雖仕不大顯而文學行義足以儀當時而表後世矧建德肇邑自唐令長凡幾何人而公之名獨稱之至今是豈可以勢力致哉使凡吏於此者登公之亭誦公之詩思公之所樹立以自勵則斯邑之民將被其賜於無窮不然是皆公之罪人也師道於公無能爲役然不可謂無志於自勵者斯亭之作既自爲之經營而衆來致助乃命邑人陶起東董其事不以煩民庶幾可久尙告來者嗣有葺焉其或遷吾之爲漫不顧者任其圯壞泯滅亦獨何心哉亭成當至元三年丁丑之歲十二月乙亥明年某月日吳師道記

喻公樓 在縣治後山邑人建樓以祀邑令喻成龍施閏章記

建德縣志

卷之九

祠祭
廟祠

三十三

本朝施閏章喻公樓記

嘗讀嚴先生祠堂記曰先生之風山高水長未嘗不歎息羨慕於先生之感人者深而人之思先生者何無已也夫先生天子故人高蹈不仕不過一逃名之士耳未嘗有功德及人也又未嘗捍患禦災恩勤教養之年多而澤久也而人且思之願其與山水同久長焉於此見直道之在斯民千古一轍况乎親炙光輝閱年久遠盤錯艱難美善備至者乎我郡伯喻公之來治建也干支且十稔矣一言一行無事不以古人爲法善政善績載在考工無容更僕數已卽其始至也建署後之梅公亭每當午夜月華書聲琴韻能令四山俱響蓋其心景仰聖俞之清風而期

朝廷之長如慶歷也是以顏曰半在深山直自許以仙令而爲仕隱者云爾未幾上九年之考

欽賜卓異袍帽越明年晉佐天黨士民走急足懇留而撫軍亦如失左右手飛章入告求以新銜攝倅事

天子可其奏旋以輓餉膚功未淹三年卽晉五馬建人樂公之再來活我也爲援梅公亭例子來以攻之層樓以望之蓋思嗣前徽而冀後之君子云樓成羣歌舞而落之相與環余廬而請余爲之銘曰維

皇惠建特簡巨公柔兆敦牂飛帝宮年甫子奇政符卓魯庠序以興田疇以伍我塗四闔公示之門我愚匪良公示之恩饑饉浹臻旣骨而肉萑苻載道不威而服民之

螫賊由公而仁民之寇讐由公而清耕田鑿井完我姻族肆祀明裡介爾景福惟
帝曰咨車服以庸循良卓異並集爾躬旦夕內徵其良誰嗣烏合蛾飛襲我不備公奮
厥武憲廷乞師倡先禁旅會朝滅之城闔如故市肆不移爬梳剔掃以迎 王師旣
清旣平倏奪衆母

帝實鑒之特俞汝撫轉餉功成嘉乃丕績爰守股肱於用三錫我父我祖明發有懷我
子我孫罔極靡涯有亭斯翼公之前身有樓巋然民之赤心昔有宗哲令聞不已我
公繼之後先媲美羊之峴首召之甘棠桐鄉并州允
懷不忘瞻彼袞衣好是懿德登斯樓也君子是則

裘公祠 一在西關外雲龍閣旁一在堯城渡邑人建祀邑令裘
君弼

昭忠祠 在縣城文明門內邑人汪作仁捐有租以爲中元祭祀
經費

鄉社 市東鄉義社 市西孝義社 市南仁義社 市北新義

建德縣志

卷之九

祠祭
寺觀

三十四

社

寺觀

隱山寺 在縣南七十里梁建

靈應寺 在縣東四十里唐建 國朝順治十七年僧眞慧重建

永樂寺 在縣南二里唐太和六年僧木菴永禪師建今廢

安樂寺 在縣南四十里唐中和四年僧興善建

梅山寺 在縣西十里即古崇明院宋建明天啓二年僧顯光重

建

明孔貞運梅山寺重建寶殿序

建德自堯城渡而西有梅山山有故寺爲志南禪師住錫處卽今古梅菴顯光上人
所構修習地也志南號海菴宋淳熙間名甚著一時名流多與之遊繚山並溪題詠
幾遍朱晦翁過訪曾作普門嶺三大字鐫之石書法超絕見者知寶蓋有海菴而梅
山之名重有晦翁而海菴之名愈重有晦翁海菴而梅山寺卽在藜莠瓦礫之餘而
其名尤重顯光慧心密行爲一方所尊信從廬山來愛其林木邃幽紫翠重複遂毅
然欲重興之鍾伐方新予適往晤佛殿纒屹立二三柱其上未瓦其下未斃其旁未
垣計所費尙無算計垂成尙無時撫往道古相與惻然余因作一轉語曰梅山之興
廢幾不可考然晦翁過訪海菴一段佳話迄今父老兒童猶能誦說梅山之興其在
茲乎何也人有不知海菴未有不知晦翁重晦翁未有不重海菴晦翁所交之勝友
與晦翁所經之勝地文教未衰佛性各具發茲悲心作聖賢想是役也晦翁之靈實
式臨之不甯惟是海菴之現神通西方如來之作證
盟也遂書數語授顯光走四方願諸君子共勗成之

宋梅堯臣遊梅山寺

春山日可愛因訪舊禪宮路遠危溪入橋緣古木通
白雞鳴屋外綠水過庭中獨坐昔云樂何如親友同

臘月出臘因遊梅山蘭若

建德縣志

卷之九

祠祭
寺觀

三十五

我與二三騎爭馳古戍旁逐麋逢野寺息馬據胡牀
鷹想支公好人思灞上狂歸來向薄暮烟火照溪光

僧志南梅山寺

古木陰中繫短篷杖藜扶我過橋東
沾衣欲濕杏花雨吹面不寒楊柳風

戴時中遊梅山寺

問訊梅山老梅開第幾枝傳山來此地飛錫去何時
佛念原無着宗風自有詩我來倚高閣重起白雲思

明孔貞運和韻

燈燈原自續無樹亦無枝桑海幾經變梅山到此時
橋頭傳古木石上譜殘詩爲探尋梅句悠然有所思

鄭三俊和韻

我爲尋梅至寒山未有枝誰將一滴水擬向過橋時
巖上雲留石溪邊蘚沒詩摩挲不盡意懷古獨深思

鄭三謨和韻

尋梅山徑仄梅去已無枝衣鉢懸枯樹雲烟帶舊時
披沙磨斷碣立石洗殘詩不盡登臨意悠然風雨思

鄭思旦和韻

探梅過古寺清極見寒枝磨碣追前代尋僧異昔時
蘚埋荒路屐烟蝕普門詩誰解逃禪意鑄崖動我思

宋檀倬遊梅山寺觀音院

我聞此院已多年屢欲來遊未有緣因與諸君回駿馭遂登精舍謁宗禪
乘閒命筆題新壁過尋開樽肆盛筵珍重吾師念親族殷勤眷遇故留連

明鄭景曜和韻

揖別山靈四十年重遊此地續前緣躋攀似陟三千界煨燼空傳億萬禪
梅嶺有雲爲我伴松關無主作賓筵歸來高臥從容室不覺羲皇夢與連

明鄭正義題觀音院斷碑

建德縣志

卷之九

祠祭
寺觀

三十六

片字曾經幾度春百年興廢識誰因眼前有據尋遺事心上何由想舊人
斷石已知來北宋全書獨恨入西秦詩成漫把蒼苔拂揭起塵埃再一新

徐繡雲次太史馬巖冲題梅山寺

宗風炎宋開誰把眞印索忽有斷臂人
推倒老僧宅兀坐對錦屏嵐烟起頑石
何處是梅坡梅公曾脫履庭閒宓子琴
風清鮮于路祇樹留甘棠父老欣道故
亭開巖石破高朋常滿座貪夫羞說錢
疲土怕生臥快意異屠門清疎解餘唾

雲峰寺 在縣西六里宋紹興初年僧永瑞建

明鄭三俊遊雲峰寺和前人韻

探勝尋幽徑風雲入曠懷清流木末下古殿石巖開
棒喝聞僧諦登臨見爾才相携春事好何日擬重來

柯暹遊雲峯寺

東魯西梵久異同近聞蘭若賦芹宮函開貝葉稱微密殿隱珠林扁大雄
細雨浸塔苔蘚碧香風入座藕花紅詩成不覺慚殊調墨殿從教笑拙工

徐紳遊雲峰寺

陶令歸來興益豪尋僧結社不辭勞青鞋布襪窺樵路綠壑丹崖伴我曹
酒榼緣雲邀落日杖藜隨水出東臯無因得問西來意悵望秋林空翠濤

鄭三俊春日遊雲峰和徐五台壁間韻

春尋野步興偏豪度壑穿林意豈勞探勝後先咸我輩行歌上下識誰曹
賞心詩酒來幽境極目烟塵動遠臯日暮相將前問水長風颯颯起松濤

楊仲遠遊雲峰寺

蒼松翠竹寺門開石路盤雲天際來一曲清溪塵世隔萬山深處小蓬萊
路入雲深地自偏千峰紫翠一溪烟山僧住久渾忘却知是人間幾洞天

本朝江桓陪何曙初師遊雲峯寺和徐中丞壁間韻

濟勝情兼興並豪翩然連袂豈云勞屐留後齒支山徑詩得前身是水曹
鐘帶嵐烟過野渡衣沾空翠滿林皋閒來半日無他事乞得僧瓢泛素濤

建德縣志

卷之九

祠祭
寺觀

三十七

戊子春遊雲峰寺讀鄭太宰和中丞詩手書石壁兩度來遊

兩辛已亦山中佳話也又用前韻

宜茲靈秀挺人豪高運顏筋腕不勞籠上碧紗因重寇裁成黃絹欲驚曹
勝遊再續剛三紀清嘯猶疑喉九臯莫道山中無甲子風流誰繼老山濤

南臺寺 在南臺山今廢

北臺寺 在北臺山今廢

松山寺 在縣南五十里宋淳熙年建

石佛寺 在縣北二十五里宋紹興二年僧如壁建

金地寺 在縣北三十里宋寶佑三年建今廢碑存

狄衝寺 在縣北三十五里宋寶佑二年僧如湛建

橫山寺 在縣東三十里橫山頂宋建明成化間邑人柯暹重建

崇正時重修

留山寺 在縣東三十里南宋建

國朝順治八年增建地藏閣於後

觀音寺 在縣東四十里

白雲寺 在縣東四十里梘溪坂

礦山寺 在縣南五十里礦坑山

宋梅堯臣訪礦坑老僧

山深無外事日夕愛潺湲跌坐樹間石力耕溪上田
解言南國事能咏碧雲篇莫賁遠公酒余非陶令賢

建德縣志

卷之九

祠祭
寺觀

三十八

葛仙寺 在縣南一百里

草堂寺 在縣西十八里金雞湖畔

龍潭寺 在縣西南十里龍潭嶺

盧子寺 在縣南八十里盧子山中產石圓勻如彈丸寺因此

得名明徐中丞五台讀書寺中

李幹齡六有樓望盧子寺山

樓因屏齋
六子取義

樓望春光擁翠臺五峰如軸繡屏開珠胎石罅靈虵轉
雲衢驄馬才
明中丞徐五台先生讀書寺中
山產石圓勻如彈丸寺因以得名
策射
花雨香隨幽閣繞茶烟清送曉鐘來好鶯啼罷穿

林出飛向層
巒弄緣槐

唐山寺 在縣南三十五里昔係周繇捨宅爲之今其後裔周馥

重建

明鄭三俊唐山寺碑記

唐山古刹法侶甚盛三四十年前多儒者遊時有老衲照公嘻嘻以喜作佛事尤與余善丙申丁酉間余師養初設臯比於此四方響臻余來無下足處照公獨意重余舍余西樓精舍寺左喬木中生瑞竹偏以期余余自去照公久溷風塵每晤必勉余早息幾希乎有道者嗚呼照公此意日月不能老也照公歿幾年矣古德凋喪衣鉢衰退留有莊田一區為敗僧所棄兒豈為贖而歸其徒道深深亦老矣是親奉照棒喝者其長守此土與寺終始以永奉照公香火也梵宇猶在喬木如故瑞竹幾何選佛勝場劫火不壞照公當再來深公其善護持之因索題石

本朝孔尚豫唐山寺

闕二字 風已邈蘭若尚知名楓葉寒山落竹筠冷澗侵
鳴蹲盈孟剝雁語五更聽為憶鱣堂地至今碩果存

檀長齡唐山寺懷古

建德縣志

卷之九

祠祭
寺觀

三十九

古寺連山麓于今尚號唐為說咸通代此是二周鄉高文兼曠達施來宅梵王名賢曾設帳謂金養侗先生 太宰舊流芳謂鄭隱菴先生 喬木垂陰遠瑞竹啓靈長老僧殊特識國士待非常山田輸宦後載在碑隸堂斯人嘯為繼感舊意難忘

醍醐寺 在縣東北列疊山

會勝寺 在鹽田坂

清泉寺 在蛇冲

吉源寺 在錫山村 舊志作古源寺

應仙寺 在二十九都有仙人跡有古鐘

陳龍寺 在縣 五十里

方山寺 在二十九都

明金規器方山寺

寒梅早放陽春色雪霽輕塵擁騎來三送虎溪譚道妙共登緱嶺集仙才
陶潛愛把松花拭封史欣將黑白裁小子可能供杖履方塘風月亦奇哉

廣濟寺 在蘇村保石痕嶺

開山寺 在蘇村

永業寺 在雙溪保古勝山

蓮山寺 在縣東五十里

龍泉寺 在縣南三十五里步頭村

鷲臺寺 在縣南二里明洪武三年僧存仁建

國朝康熙九年重修

咸豐年間粵賊燬同治年間廩生江錦瀾等將此基地捐入闔縣知縣路岬創造研經書院現改小學堂

建德縣志

卷之九

祠祭
寺觀

四十

本朝江桓鷲臺寺聞風

分明春樹裏何處得秋聲拂酒微波皺敲花餘夢清
繞吟諸佛起持論古人爭荆聶有餘壯蕭蕭到五更

吳金鱗鷲臺寺

春光岩蕩好幽探乘興何妨問郭南淨土尚標三昧法慧香還結五時龕山圍疊疊
真堪賞集有如若共諳長慶著如如集寺僧皆其法衆耐可登臨雙蠟屐年年招友叩瞿曇

鐵佛寺 在縣南四十里明崇正三年鑄鐵佛成得名

國朝道光二年重建

檀為棟遊鐵佛寺

入寺頻懷古先朝直到今渾身俱是鐵遍體鑄成金
野佛原無骨山僧各問心禪關終日靜遊客競相尋

孟蘭寺 在縣南六十五里

蘭臺山寺 在縣北一里

本朝李幹齡蘭臺寺

寺古山連玉郊春錦作城花腮嬌二月蘭舌息三更
泉以暘而潤鐘緣扣有聲此齋饒臭味附郭又行行

蘿月菴

明檀凱蘿月菴

為愛幽軒隱碧蘿夜深長對月華多露凝香桂禪關靜風度疎鐘梵韻和
光入蓮房寒澗灑影分松逕淡婆娑欲從此地除煩惱未卜塵緣可奈何

五龍菴 在五龍山

明鄭思旦遊五龍菴和韻

招提初凝目鐘響淨空山石抱霞千片煙香水一灣地深龍臥穩樹古鶴飛閒
雲海生胸臆鶯花解笑顏老僧穿竹徑孤客醉松關感爾頻投轄低徊去復還

建德縣志

卷之九

祠祭
寺觀

四十一

梧桐菴 在大板保梧桐山

雲影菴 在四都山

本朝柯棟雲影菴

幾年不踏影菴路雲樹蕭疎客到稀
獨有梅花長赴約不因人去不芳菲

龍潛菴 一名龍王殿 在柴坑

黃龍菴 在厯山

白衣菴奉白衣大士故名戊子六月大水蛟起本庵鐘下避水山

巔者望見大士端坐水上順流直出至蘇家溝木商某護送以

歸毫不損折

按祥異志係順
治五年戊子

吉祥菴 在吉祥山

楊墅菴 在小坑山

神龍菴 在步頭山

聖獅菴 在方家壠

高荷菴 在西叅內葉保和尚舊地詳仙釋

廣陽菴 在廣陽山舊名鐵佛菴 咸豐間被粵匪燬同治十年重建正殿光緒年間又添建前殿

明鄭三俊廣陽田記

廣陽山載在職方志者曰博陽其地勢於建邑為積高蓋神明之隩也香城寶墜左右林泉意其中若能具千二百五十人食而山石犖确土不可田雖田矣孰不足給人數十指余嘗曳杖其處高下之勢岢然注然若埕若穴者十餘區僧導余而指之曰此菴中田也水漱風激洄懸灌注稍不治則為砂礫為茂草又其大不能容牛足

建德縣志

卷之九

祠祭
寺觀

四十二

時雨趨澤相與庸輓犁手足鱗皴然則雖田矣治之不力猶筦子之所謂石田也每見僧當春作皆一晦三剛深廣如之耨草墮土其收稍可較縵田晦益一斛以上嗟乎地之陜隄如此僧之勤苦如此而儼然儒者猶欲控其頤別其頰而奪之食嘻其甚矣先是田只數區僧不能自存行脚去田入於學者歲餘後僧普上炤宗來墾山作務贖之金復增治數區石田乃田越五十年邑有建塔之役復有持無稽而理前說為撮土之助者炤公曰肌膚可狗何有於茲又簡鉢中金再贖之請給符牒為永業計田僅七畝有奇計其直已倍田之直而三焉嗟乎夫人其人慮其居惡用竭土之毛以奉遊手為此儒者之說也以余觀廣陽僧衆既勤既樸炤上人四十年廣陽山中草衣木食一以本分接人儒家踐履所不能過故能藉此石田數畝大轉食輪於以食饑人而飼鳥雀皆賴於此鬱然致至遂成叢林諸士人又何有於此犖确磊瘠恒河之一粒不為博陽名宿永結此緣耶諸士唯然願聞其言請勒諸石時崇正十五年九月望日

本朝徐紫芝遊廣陽庵

一春藏委巷翻作廣陽遊數里山當面片時天盡頭
御風侵鳥道扶日跨神州鐘響白雲散下方花雨稠

鄭祖第同友登廣陽山

廣陽古禪關昔多名賢扣回憶廿年前垂帷攻苦舊山中有詩僧方外交從幼禪叅
慧遠微詩繼南公秀五月登高山汗流頻拂袖徑曲抱松迴泉飛向石漱及到西風
巖千仞如空覆一翁非拚命胡翼公有拚命能殺人句濟勝具實懋二客豈先逃孔五若有二客
已先逃句詩情發中透惟我中行人來往應無詬既穿容身峽復尋出米竇山深日早
昏俯視晚齋就遠公不設酒客亦
不眉皺茗戰發雄談剪燭曉鐘候

東流吳繼澄登廣陽山

廣陽之遊先在肚奇峰夾道經鬼斧一線斜穿複嶝通下臨深澗泉鳴雨松楸竹箭
晝陰森亂雲往復迷亭午寒風颯颯老猿號同人顧之色如土捫石扳蘿力漸疲濟
勝能無歎艱苦須臾度嶺見林邱古刹凌空嵌上頭細雨微風承蠟屐天光雲影蕩
征裘萬籟寂然耳根靜禪房鐘磬聲悠悠有僧善詩无思是能爲山水闡其幽引登
西峰之石石萬仞還矚僊女之井井泉瀏上有香鑪之峰最突兀下有鯉魚蚌石皆
殊尤古樹露根垂石髓神龍斂跡伏寒流誰謂仙源不可近香臺甯復世間求忘勞
更賦招隱曲別
開天地共夷猶

回龍菴 在馬家嶺

建德縣志

卷之九

祠祭
寺觀

四十三

青松菴 在石門

奉仙菴 在箬源外有盤石菴

洋井菴 在二十九都有龍池能致雨

安居菴 在二十七都安居嶺

梓桐菴 在二十七都

黃尖菴 在鄱陽坑

削藤菴 一名洞真庵 在新庄保大源山舊志載庵側有巨石峭
峽山誤

立澗中石上鐫活水靈機四大字不載何人所題旁有詩句字

跡剝蝕庵口有洞真亭

甘露菴

新泉菴

黃道菴 在南溪

明金學重黃道庵

早攜支遠入青霽春到芸窗白杜分無那層陰幽獨恨不堪凝晦帶郢斤
一天花雨香空水滿剎松龕貯古雲忽憶瀛洲風浪起赤鱗乘漲正高騰

夢覺菴 在六都嶺

銅磚菴 在楊林保

松嶺菴 在蘇村又名伏龍庵

雲中庵 在天台山光緒間王挺等募建

建德縣志

卷之九

祠祭
寺觀

四十四

白雲庵 在縣東十二里徐虛舟建

水印庵 在縣東二里

本朝劉堯枝水印庵

山上晴雲面面開四郊春色自東來縷金作勝誰家綵吸水為庵是處杯
翠入輕煙初變柳香迎寒雪盡舒梅漢廷露冕旌循吏近看車前白鹿陪

禪師庵 在縣南十里崇山峻嶺中平原有田可耕

覺慧庵 在縣東八里低嶺頭鄧仙初重建

茹蘭庵 在茹蘭溪旁

鄧邦英茹蘭庵

玉峰層嶂翠倚麓卜禪居徑僻苔常在山深鳥自如
夕陽穿竹短月色入林疏超脫風塵外時邀元度車

蔣本發和韻

茹蘭名義雅松竹蔭幽居人境心能奪主實意自如
水光映石冷山色照林疏為問往來士門皆長者車

棲隱庵 在縣東南三十里舊名寶和庵

冷水庵 又名八寺庵 在東叅保

洪龍庵 在縣東南八十里峰陡摩天庵居山半

明鄭三俊洪龍庵

避世來空谷尋源得舊遊一弓藏小梵半月隱丹邱
礪古石衣瘦山深鳥語幽支頤看氣爽天地冷然秋

玉瑄庵 在縣東五里尚家山徐氏建

清涼臺庵 在縣西南一百二十里

建德縣志

卷之九

祠祭
寺觀

四十五

永鎮庵 在縣東南一百二十里

天柱庵 在縣東南一百二十里

魯峯庵 在縣西南一百二十里

聖靈庵 在縣東南一百三十里

星聚庵 在縣東六十里下西嶺巔姚黃二姓共建

孔貞運題名

序曰予告旋里搢衣舅氏一時諸文學彬彬名流朝夕傾倒不減平原十日之歡別
去依依送余嶺頭猶把酒臨風也環矚山川勝概預期科甲先聲今日此會當必有
太史占星聚者適庵初成僧體
空月空出紙索題遂以此名之

金陵庵 在上鄉

廣嚴庵 在縣南四十里

蓮花庵 在縣南四十里

楓林庵 在縣南四十里

麟瑞庵 在縣南四十五里

起鳳庵 在縣南五十五里

迴龍庵 在縣南四十里栗埠頭

迴龍庵 在縣北三十里黃田

聖跡庵 在縣南五十里

如昇庵 在縣東五十里

建德縣志

卷之九

祠祭
寺觀

捷報庵 在南溪狹石口

楊竹庵 在縣東三十里

蓮花庵 在縣東五十里九都楊田村

日昇庵 在縣南一百二十里

萬福庵 在縣南一百二十里

海慧庵 在灤塘

九龍庵 在船底山西冲南石上有仙人跡

智慧庵 在香爐山側

湧泉庵 在崑山南

黃龍庵 在洋嵐崗

引印庵 在金冲胡姓下關

天心庵 在十四都北源

良善庵 在二十九都栲溪

興龍庵 在縣北二十里

雲會庵 在查嶺頭今改雲際庵

觀音庵 在北冲塢

雲嶺庵 在縣西七里胡莘巖建

通濟庵 在縣東二十五里六都嶺旁建茶亭邑令葉額以最上

建德縣志

卷之九

祠祭
寺觀

乘聯云山水清幽堪寄興襟懷朗澈可談經

迴龍庵
福善庵

俱在縣東五十里葛源村

寶善庵 在縣東二十里梨雲嶺門前有香爐石

海會庵 在縣東二十里梨雲嶺西山阿光緒四年建

潮音庵 在縣南五十五里城墩

龍泉庵 在縣東二十里紙泉坑山後明尚書鄭三俊楹聯云甲

子不記年曾看兩度蛟龍起青山如舊日一任千峰鳥雀呼

聚福庵 在縣南七十里

碧雲庵 在縣南四十五里官港乾隆九年建

萬福庵 在楊林保水口

蓮花庵 在縣南百里永豐鎮虎岡山北蓮花嶺嶺頭有奇石搖搖欲墜年久如是

復興庵 在縣南四十里步頭河西下首

寶山庵 在二十九都庵前有高尖傳為徐公得道處山麓有池不涸旱歲取其水求雨輒應旁有坐臥石如畫

西竺庵 在二十九都

雲龍閣 在縣西半里咸豐間被燬光緒間鄭姓眾等重募建

明孔貞時九日集雲龍閣

建德縣志

卷之九

祠祭
寺觀

四十八

雲龍高敞翠微秋別夢猶懷此勝遊知已一時俱在座家山九日共登樓浮來菊蕊香盈頰插遍茱萸碧滿頭明月自能留客醉不教帽落也風流

本朝劉堯枝雲龍閣秋眺

高閣憑虛敞玉堂龍從佳氣入蒼茫五雲多自疎櫺見七月新于綰帶涼咽柳蟬鳴開野色護山龍躍有靈光登臨便欲騰霄漢幾度清風送異香

鄭祖第雲龍閣晚眺

欲眺難舒眼披襟向閣凭林疎殘靄合野闊夕陽平牧馬收無棧居民鼠棄城所嗟鴉噪處悽切冷風鳴

法雲菴 在縣西半里雲龍閣右光緒間鄭謝氏募建

觀音閣 在縣西半里

藏經閣 在縣南玉峯山東嶽宮左邑人鄭三俊為南祠部時貯

梵書於此乾隆三十六年閣遇火災藏經皆燬

石舟閣 在縣東五十里有石橫枕錦口頭昂數丈孤樹高撐鄭
端構樓其上與舟無異

迴龍閣 在縣東六十里和村

林蘭閣 在高湖坂

泗匯閣 在紫溪

蜚英閣 在縣南三十里

龍躍閣 在縣南三里

騰雲閣 在綠永灣葉姓下關

鞏北閣 在縣南四十里

建德縣志

卷之九

祠祭
寺觀

四十九

麒麟閣 在縣南五十五里長源村

汪公閣 在大板保螺墩上內源保障

千孫閣 在縣南玉峰半山壽字崖下光緒間重建

崇文閣 在堯渡上街頭道光二年文昌
倉帝二會合建

南保廟 在縣北三十里禾山下有壇墀古木禱雨立應

北蔭廟 在縣北三十里北山溝

相公廟 在縣東五十里

西峯廟 在羅家嘴團凸山

土地廟 在縣南六十里官倉下明太祖戰鄱湖時過此勅封都

督土地

新義社廟 在楊林保內東坑石河林

土地廟 在楊墅灣村民以春秋祈報更名新興社

白馬將軍廟一在二十五都西冲山一在縣東四十里葛公鎮船

坵田頭將軍吳姓名汝本里人當宋元鼎革時將軍發忠憤不

濟自刎遣獻兵馬於朝元世宗褒其忠而躉其烈俾立祠祀勅

贈威武先鋒當時人稱白馬大將軍廟因以得名葛公鎮船坵

田廟今圮

七郎神廟 在縣城中街神無考

建德縣志

卷之九

祠祭
寺觀

五十

延祚觀 在縣北半里今廢

尋真觀 在歷山

修真觀

宋梅堯臣悼修真觀李道士

唐室王子後黃冠事隱淪餐霞不滿腹披雲不蔽身八十不能死
縊以頭上巾始慕老莊術終厭道德貧營營求長生反困甑中塵

祖師殿 在縣西半里

三官殿 在縣西三里今廢

和龍殿 在縣南五十里

侯王殿 在十四都白泥塘

祖師堂 在縣南玉峰山東嶽宮後

百子堂 在縣南玉峰山東嶽宮左萬歷戊子僧達論造

國朝順治十三年僧正育建井一成聯云山頭綠徧宜男草洞口

紅開益母花咸豐粵寇燬光緒年鄭朝佐募建

昭明祠 在縣東五十里石門溪鄭三俊聯云松際半谿垂蚤月

石門中路入疏鐘

必孝祠 在九都陽田村

東福勝 在官營

明四樓 在舊儒學右知縣徐金星建今廢

建德縣志

卷之九

祠祭
塚墓

五十一

三清宮 在壽字崖半山遺址尚存

塚墓 義塚附

唐建德令擢檢校御史中丞周繇墓在紙坑山老林

處士周繁墓在紙坑山老林 周姓子孫世居於此

宋韓 墓 舊志失名 在白菓冲口有古碑類蘇長公書法詩云山頭

石有千年潤海眼泉無一日乾天下蒼生望霖雨不知龍在此

中蟠今爲堯封墓山

尚書度支郎李植墓在縣東陽烏山

徽猷閣待制檀倬諭葬墓在縣南步頭村鰲鵬坂龍泉寺側

武經大夫先鋒葉諒墓在雙溪先鋒祠後

節度使葉伯通墓在二十七都葉家林

明訓導洪仲遵墓在河西坂劉師塘

刑科給事中湖廣按察司僉事洪本昌墓在縣西石印山

雲南按察使司柯暹墓在縣北雙河口靈華山

巡按遼東監察御史貴州左叅政鄭景曜諭葬墓在縣南御史

林

應天府府丞檀凱諭葬墓在縣南南嶺後告遷陽田山

鞏縣知縣江通墓在玉山左

建德縣志

卷之九

祠祭
塚墓

五十二

河南按察司僉事陳謨墓在縣北象山

雲南按察司僉事葉應麟墓在縣南南岸坂

巡撫順天僉都御史徐紳墓在遼山舖今遷官營村後

巡撫江西兵部右侍郎李一元諭葬墓在縣陶湖山

河南按察司副使李一中墓在縣北陶山

武進士神樞營叅將檀武臣墓在步頭前山

進士檀之堅同妻高氏節婦墓在縣步頭山

見府志

誥贈宮保大學士孔聞勅墓在石窟裡

誥贈少保尚書鄭國光墓在四都山禾城下首

宮保大學士孔貞運墓在句曲先在縣東列疊山

吏部尚書鄭三俊同夫人李氏墓在南原西山林

山東副使徐廷宗墓在縣東南山灣

南戶部員外郎柯濤沂州知州柯鑑祖孫合墓在黃冲

誥贈太子少保刑部尚書鄭如稻同妻柯氏墓在柴阬蓮子山

高州府知府鄭三謨墓在四都山禾城黃家閣左

桃源縣縣丞鄭志達墓在四都山禾城下首

河南都斷事鄭鎬墓在縣西北二里北臺山

霑益州知州洪邦祚岷縣縣丞洪德瓊墓在縣東二十里石家

建德縣志

卷之九

祠祭
塚墓

五十三

嶺楊先塘

戶部主事路達後復
姓胡墓在縣南河西坂戴家嶺蟹形

山東都斷事路達墓在縣南木營橋楊家塢蛇形

餘姚縣主簿胡汝讓墓在赤頭上首團山獅形

中江縣知縣胡其正墓在雲峰山口鄭家山騎龍穴

嚴州府建德縣尉胡蓋臣墓在馬田坂朝崗架上金盆形

臨安縣知縣贈奉直大夫知州柯彥斌諭葬墓在陳塘西北之

宏岡子暹自著宏岡阡表

霸州學正徐昇墓在縣東小陽坑高椅形

武邑縣典史路士志同妻江氏胡氏墓在西河坂路家塢虎形

武畧將軍世襲千戶仰敬墓在港東小嶺山

懷遠將軍世襲千戶仰佐墓在老龍頭

國朝華陽縣知縣柯棟墓附葬柯彥斌墓右

貽贈文林郎廬州府教授李光昌墓在百元山牛形

貢生 貽贈文林郎廬州府教授李新德同妻汪氏墓在沙埠

日月合璧形

貢生胡官墓在雲峯山口鄭家山鳳形

廬州府教授李幹齡墓在百元山水獬冲鳳形

建德縣志

卷之九

祠祭
塚墓

五十四

臨海縣知縣楊國幹同妻歐陽氏墓在縣東石窟養林山

右舊志

宋繁昌縣尉董之奇墓在縣治東關外石門鄉堯坑裏

按墓銘董之奇字夢錫宋仁宗時中明經兩科初授虔州鞏縣

主簿再調太平州繁昌縣尉卒于元豐元年年四十有七葬于

石門鄉堯坑裡

卽今縣治東門
外雷公尖之麓

妻馮氏附窆焉迄今七百餘年

歷次修志俱未載列其後裔亦無可考嘉慶二十一年夏五月

時值晴朗日將午雷聲忽作於堯坑地猝陷丈許羣以爲異尋

聲求之見磚封中有碑石墓銘讀之知爲董君墓邑人因鄉先

達之無祀爲之崇封而歲祭焉

明勅贈文林郎山西道監察御史鄭行中墓在縣北梨園冲象形

誥贈通議大夫通政使李祐墓在縣北蘆村山匣裏珠形

大理寺評事鄭正義墓在柴坑英山進士林

廣東肇慶府知事李瑛墓在縣北盤龍岡仙人獻掌形

誥贈奉直大夫檀珏墓在十四都西邊坂畚田坑口

奉直大夫檀良翰墓在步頭藕山

東平州知州檀良臣墓在步頭西陽山旱蓮花形

國朝 贈文林郎四川潼川府樂至縣知縣鄭櫺墓在西關外

建德縣志

卷之九

祠祭
塚墓

五十五

畢家坂

勅贈文林郎四川潼川府樂至縣知縣鄭祖信墓在鄭櫺墓右

勅封文林郎樂至縣知縣鄭逢源同妻江氏墓在歷山保江家

坂金星挂角形

教授檀光祖墓在歷山保北冲口

誥贈光祿大夫周文元墓在紙坑山井蕩溝

誥贈光祿大夫周禮俗墓在紙坑山江家林

誥贈光祿大夫周樂鳴墓在唐山寺西南馬鞍山

誥贈光祿大夫周光德墓在縣北沈家山

義塚

西門外龍門橋下義塚官山一號 北門外施仁洲義塚地一
片 赤頭關小梨園冲義塚地一片 南門外馬家嶺義塚山
一片 教場後鷺臺寺左方義塚山一片 左家山義塚山此
山原買余姓土名左家山上至頂下至脚左至楊地右至余地
又山一號與城內余姓相共上至頂下至路左至壩右至余地
分得股分盡行出買與義塚以作官山埋石定界嘉慶十六年
知縣金立石禁 河西坂義塚蘇家山一號 皮匠頭義塚地
一片 檀家塹義塚山一片

建德縣志

卷之九

祠祭
塚墓

五十六

井一成義塚誌

嘗慨賤如枯骨而獲重覆之仁貴如湯陵而罹淪河之慘是雖天數之有在要亦人
事之使然故掩骼埋胔周官具載義塚之設亦近代之所不廢也建德義塚覆魂旅
魄無所歸尤君子所宜動心者邑令周君宏範謀卽縣南鷺臺左方捐俸市地一區
塹而門之東南西北相距有丈尺以便民之無力自致者於乎若侯者可謂仁逮乎
幽矣明何如哉謹誌曰生養死葬政樂維王下邑有殍野泣皇皇仁者惻焉爰卜其
藏鷺林之左爽塹面陽嗟彼煢獨歸於其房不厲不魅于其降康澤及九土衍大惠
於無疆君信州人時
嘉靖癸卯夏四月也